

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

po zahtjevu privrednog subjekta „ASA FINANCE“ d.d. Sarajevo, Bulevar Meše Selimovića 16, 71000
Sarajevo

Sarajevo
novembar, 2021. godine



Broj: 01-26-7-012-4 /21
Sarajevo, 22.11.2021. godine

Konkurencijsko vijeće Bosne i Hercegovine, na osnovu člana 25.stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta „ASA FINANCE“ d.d. Sarajevo, Bulevar Meše Selimovića 16, 71000 Sarajevo na 96. (devedesetšestoj) sjednici održanoj dana 22.11.2021. godine je donijelo

MIŠLJENJE

Privredni subjekat „ASA FINANCE“ d.d. Sarajevo, Bulevar Meše Selimovića 16, 71000 Sarajevo (u daljem tekstu: „ASA FINANCE“ ili Podnosilac zahtjeva) je podnio Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za stručni mišljenje broj: 762/21 od 26.10.2021. godine (u daljem tekstu: Zahtjev), zaprimljen dana 27.10.2021. godine pod brojem: 01-26-7-012-1/21.

U Zahtjevu se u bitnom navodi sljedeće:

- Da je Dioničko društvo za ekonomski, finansijski i pravni konsalting „ASA FINANCE“ d.d. Sarajevo, sa sjedištem u Sarajevu, na adresi Bulevar Meše Selimovića 16, 71000 Sarajevo, MBS: 65-01-0884-08, ID broj: 4201409170005, vlasnik 66,6667% dionica u društvu za osiguranje „ASA OSIGURANJE“ d.d. Sarajevo,
- Da privredni subjekt „ASA FINANCE“ d.d. Sarajevo, kao članica ASA Grupacije ima namjeru da kupi 13,333% dionica od društva ZIF Prevent Invest d.d. Sarajevo koje isto ima u privrednom subjektu „ASA OSIGURANJE“ d.d. Sarajevo,
- Da bi nakon navedene kupovine, privredni subjekt „ASA FINANCE“ d.d. Sarajevo postao vlasnik 79,99997% dionica u privrednom subjektu „ASA OSIGURANJE“ d.d. Sarajevo,

Zahtjev se u skladu sa navedenim odnosi na davanje stručnog mišljenja da li je naprijed navedenu kupovinu dionica potrebno prijaviti Konkurencijskom vijeću, u smislu člana 12. stav (1) tačka b) podtačka 1) Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon)

Postupajući po podnesenom Zahtjevu, analizom dostavljenih podataka iz Zahtjeva, a na osnovu Zakona, Konkurencijsko vijeće dalje sljedeće mišljenje.

Zakon u članu 12. propisuje koja postupanja na tržištu od strane privrednih subjekata predstavljaju koncentraciju, dok član 14. istog Zakona propisuje koji se uslovi na tržištu trebaju ispuniti da bi postojala obaveza prijave koncentracije.

Koncentracijom, u smislu člana 12. stav (1) Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;

- b) stjecanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) stjecanjem kupovinom većine dionica ili udjela osnovnog kapitala; ili
 - 2) stjecanjem većine prava glasa; ili
 - 3) na drugi način, u skladu s odredbama zakona koji reguliraju osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

U smislu člana 12. stav (2) Zakona, stjecanje kontrole se ostvaruje putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stječu mogućnost ostvarivanja dominantnog utjecaja nad jednim ili više privrednih subjekata.

S obzirom na činjenicu da se u konkretnom slučaju radi o sticanju dionica (13,333%) u privrednom subjektu „ASA OSIGURANJE“ d.d. Sarajevo, od strane privrednog subjekta „ASA FINANCE“ d.d. Sarajevo, koji u trenutku kupovine dionica većinski vlasnik privrednog subjekta „ASA OSIGURANJE“, transakcija ne predstavlja koncentraciju u smislu člana 12. stav (1) Zakona o konkurenciji.

Slijedom navedenog, ne postoji obaveza podnošenja prijave koncentracije, shodno zaprimljenom Zahtjevu za davanje stručnog mišljenja.

Konkurencijsko vijeće, slijedom navedenog, daje ovo mišljenje isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Dr. sc. Amir Karalić